



# Onjila Ku Suku



© 2013 W. M. Press, Inc. Oku posuisiwa kuilu lielivilulu, Edwin B. Wallace.  
Meryl Esenwein, oku posuisiwa kuoviluvia luvia 10, 12, 14, 16, 27, 29, 39,  
41, 42, 44, 46, 47, and 48.

# **SUKU WA TUNGA OLUALI LUETU LOVIENDAMUENYO VIOSI**

1

**Poku fetika Suku wa sovola ilu losi.** –Efetikilo 1:1

**Momo ovina viosi via Sovuiwila vu Kristu. Ovina viosi  
viokilu, levi vioposi.** –Va Kolosai 1:16a

**Yehova, u wa lulika ilu longongo, o sumülüisi. Ilu lia  
Yehova, ongongo puāi wa yeca komāla vomanu.**

–Olosamo 115:15,16

Osi ya suilepo eci Suku a yeca komunu. Tanga okalivulu aka  
oco okulihīse nyē capita.

# SUKU WA TULULIKA ETU



**Suku wa linga hati, Tu luliki omunu ukuacilembia  
cetu, ukuesetahālo lietu hā ha viala kolōsi viovokalun-  
ga, lokolonjila viovusenge, lokovinyama viovimbo,  
lokoluali luosi ... vi likoka posi.**

—Efetikilo 1:26

## **OMUNU WA LINGA OCILELEMBIA COMUENYO 3**

**Oco Yehova Suku wa tunga omunu leve lioposi, yu wo fuimīla ofela yomuenyo vanyulu aye, kuenje omunu wa kuata omuenyo\*.**

–Efetikilo 2:7

**Kuenje Yehova Suku wa linga hati, Ulume oku kala ño lika waye haciwako; ndu lulikila oñuatisi a sesamela. Oco Yehova Suku wa pekelisa ulume otulo tuelume; kuenje osimbu a pekela wopa lumue kolomati viaye, lapa lua tunda wa sitikapo lositu. Olumati luaco Yehova Suku opa kulume wa lu tunga ukāi yu wo nena kulume.**

–Efetikilo 2:18a, 21, 22

\*Ocilelembia comuenyo calomboloka okuti, tu kakala kumue ote-mbo kayipui.

# ADAMA LA EVA VATOMBA SUKU



Etu ka tusesamela oku yeva kondaka yeliapu.

**Yehova Suku wa nyañula ulume wo kapa vocumbo ce 5  
Edene ha ci limi loku ci tata. Yehova Suku wa handeleka  
ulume hati, Oku lia ci tava oku lialia koviti viosí viokocu-  
mbo; te lika uti woku kulihisa eci ciwa leci cívi, owo ka ci  
tava oku liako, momo eteke o liako haico o fa.**

—Efetikilo 2:15-17

**ONYŌHA, HAYO YA TUKUIWA ELIAPU ALE SATANA WA  
TOMBA OMOKO YA SUKU NOKE WA POPIA UHEMBI.**

**Onyōha ya popia lukai yiti, Mbu, okufa ka vu fi. Ukai yu  
wa mola uti okuti wa posokela oku liako, haiwo wa  
posokela oku u tala, haiwo uti wa soliwila oku eca olo-  
ndunge ... kuenje wa lia; wa ecavo limue ... wa liavo.**

—Efetikilo 3:4, 6

# ADAMA LA EVA KA CATAVELE VALI OKU KALA VOCUMBO



Yehova Suku wo tundisa vocumbo ce Edene, okuti o ka lima osi kuna a tundile. Kuenje konele yutundilo wocumbo ce Edene wa kapako va Keruvi, losipata yondalu yi pongoloke-la kuosi oku lava onjila yo kuti womuenyo. –Efetikilo 3:23b, 24b

# ELI LIAKALA ETEKE LIESUMUO KEPATA LIOMUNU ECI ADAMA LA EVA VA LINGILE EKANDU

7



... Ndeci ekandu lia iñila voluali lomunu umuamue, kuenda okufa kueya lekandu, haico okufa kua sambukila omanu wosi....

–Va Roma 5:12

## Ocina cimue cokuivaluka

Omunu wosi ocitiwa locituwa cekandu, kuenje **eteke limue okafa mekonda olufa lueya omo liekandu.** (Tanga vali Va Roma 5:12.)

## **8 ELIPONGIYO LIA SUKU LIOKUPOPELA KAKANDU LIAKALA OKU TUMA OMOLAYE WONGUNGA**



**Kuenje o cita omõla  
ulume, u luka Yesu  
momo eye o popela  
omanu vaye kakandu  
avo.** –Mateo 1:21

**Oco a iñile vombuto yomunu  
omõla a Suku, te iya ndo  
ñaña yomunu.**

**Momo okuyuka kuosi kua Suku ku kasi vu Kristu.**

–Va Kolosai 2:9

# YESU EYE SUKU—VOCINDEKASE COMUNU

Kefetikilo Ndaka wa kala ale, kuenje Ndaka wa kala kumue la Suku, Ndaka haeye Suku. Oco Ndaka wa linga omunu, kuenje wa tunga pokati ketu.

—Yoano 1:1,14a

Eci cosi ca lindiwa okuti ondaka ya Ñala: Tala, ufeko o mina, o cita omõla ulume, kuenje u luka Emanuele, ca lomboloka citi, Suku kumue letu. —Mateo 1:22a, 23

Momo omõla wa tu citilua, omõla ulume wa tu ïhïwa, kuenje uviali u kala kovitai viaye. Onduko yaye, o tukuiwa Cikomo, Ndunguli, Suku Eye Fü, Isia kapui, Soma yombembua. —Isaya 9:6

# YESU KRISTU— OCILUMBA CETU CALIPUA

**...Wo linga ekandu mekonda lietu ....**



—II Va Korindo 5:21

**Eye ka lingile ekandu.**

—I Petulu 2:22a

Lacimue ocilumba comunu citēla  
oku tulingisa VALIPUA loku tupa  
kekandu.

**Momo osonde yolonui ley i  
yolohombo ka yi tēla oku imula  
akandu.**

—Va Heveru 10:4

Yesu eye okameme. **Kameme ka Suku, u upa akandu oluali,  
yo.**

—Yoano 1:29b

# **YESU WA ECA OMUENYO WAYE OKUTUYOVOLA**

11

Yesu wa valeliwa komindikiso omo lioku suvikiwa lomanu. Puāi, olufa luaye luakala ocipango ca Suku. Yesu lonjongole yaye muele, wa eca omuenyo waye oku tupopela, ove lame kakandu etu.

Yesu hati, **Lomue u njupa, puāi ndu pesela ame muele, ñasi lomoko yoku u pesela, ñasivo lomoko yoku u mola vali.** –Yoano 10:18a

## **ETU TUA YOVUIWA LOSONDE YA KAMEME KA SUKU**

Vu ci cokuti wa yovuiwi kovisila viesanda, vina wa piñali kolosekulu viene. Puāi ka wa yovuiwili lovina vi nyōleha ndeci opalata pamue ulu, te losonde ya tīla ya Kristu, **haeye okameme ka pua etondelo, ka ka kuete etime.** –I Petulu 1:18, 19

## **KAKULI VALI OVILUMBA VIOKUPIA ELISI VIKUAVO VITĒLA OKUAMBATA AKANDU**

Omo a panga ndomo, etu tua kolisua lokulumbiwa olumue kuetimba lia Yesu Kristu. –Va Heveru 10:10b

**12 Omo ciло tua tendиwa ndavakuesunga losonde yaye, ca  
piāla vali tu popeliwa laye konyeño ya Suku.** –Va Roma 5:9b

**Eci wiñila vusoma wove,  
njivaluke.**


–Luka 23:42b

Ondingavi  
yo kepili  
yomindikiso  
wa kolelele  
Yesu kue-  
nje ya  
popeliwa.



**Hu sapuila  
ocili okuti  
etaili o kala  
kumue lame  
vofeka ya Suku.**

–Luka 23:43b



Ondingavi  
yokondio  
yomindikiso  
kayatavele  
ku Yesu,  
omo liaco  
kapopeliwile.

**Osimbu tua kala vakuakandu oco Kristu a tu fila.**

–Va Roma 5:8b

## VOSI VAKOLELA OMOLA A SUKU VA KUETE OMUENYO

13

**Omo Suku a sola ndoco oluali, oco a  
ecela Omōlaye wongunga okuti  
wosi u kolela ka fi, puai o mola  
omuenyo ko pui.**

–Yoano 3:16

**Wa tu popela kuviali wowelema. Wa tu sondoluila kuvi-  
ali w'Omōlaye wa soliwa. V'Omōlaye omu tu kuetele  
eyovo\*, olio ongecelo yakandu.** –Va Kolosai 1:13, 14

\*Eyovo lia lomboloka etu tua landiwile tualinga onhule.

# “EYE WAPINDUKA!”



**Ungelo wa popia lakāi  
hati, Ko ka kali lusumba  
momo ndi ci okuti vu  
sanda Yesu wa valeli-  
wile kekulusu. Mulo  
kemo, momo wa pindu-  
ka ndeci a popele. Enjui,  
ndo tali apa Ñala a  
pekelele.**

—Mateo 28:5, 6

Haime ñasi lomuenyo. Nda file kuenje ciло ñasi lomuenyo woloneke ka vi pui, haime ñuete olosapi viokufa levi vionjembo.

–Esituluilo 1:18

Omo ame ñasi lomuenyo, oco ene vu kalavo lomuenyo.

–Yoano 14:19b

Omo Kristu a yula okufa okuete olosapi vionjembo, etu ka tusukila vali oku kuata usumba wokufa.

Eci njokoka hu kolela.

–Olosamo 56:3

## YESU OYONGOLA OKU KUPOPELA KUENDA OKASI OKU KU LIKUTILILAKO

Yesu puāi, omo o tumala ño-o hū, ka pui, toke koloneke ka vi pui, Yesu o tēla oku popela olumue ava va kokela ku Suku poku kolela Yesu, momo o kasi hū lomuenyo oku va livonde-lako.

–Va Heveru 7:24a, 25b

# OVE LAME CITAVA OKU KUATA OMUENYO KOPUI



**Onjila yipi okuāi OVE?**

Yesu Kristu eye ONJILA yokomuenyo kopui la Suku.

Eliapu olio onjila yokufa kakupui.

Ukuenje uwanola ciwa komuenyo kopui ila.

# **CIPI OVE OKANOLAPO?**

17

**...Oco noli etiali u vu yongola oku vumba....**

–Yehosua 24:15

**Oco, nõla omuenyo, okuti ove lombuto yove vu kala  
lomuenyo.**

–Esinumuilo 30:19b

## **YESU EYE ONJILA YOMUENYO KOPUI**

**Omo vemi lilu ka muli onduko yikuavo ya eciwa  
komanu okuti tu popeliwa layo, oco epopelo kumue  
wiñi ka kuli.**

–Ovilinga 4:12

**Ame, ame ndi Yehova ka ku li upopeli, te ame.**

–Isaya 43:11

## 18 MOMO NYE TU SESAMELA OKU NOLA YESU NDA TU YONGOLA OMUENYO KOPUI?

1. *Kristu eye weya.*



...Ame ndeyilila okuti va kuata  
omuenyo ....

–Yoano 10:10

2. *Kristu eye watucela haye wa  
tufila.*

**Omōla a Suku u wa sola haeye wa  
liecela oku mopela.** –Va Galatia 2:20b

Yesu wa linga omunu, ositu, kuenda  
osonde ndeci etu tuatuwa, **okuti o yula**

lokufa u o kasi longusu yokufa, okuti eliapu, loku 19  
yovola ava va kala apika omuenyo wavo wosi  
mekonda liusumba wokufa. –Va Heveru 2:14b, 15

3. *Te lika osonde ya Yesu oyo ovihemba viovakandu etu.*

Omo osonde oyo yi tuvaika momo oyo yi kuete omuenyo. –Ovisila 17:11b

Kuenje osonde ya Yesu Omōlaye yi tu yelisa kakandu osi. –I Yoano 1:7b

V'Omōlaye omu tu kuetele eyovo, olio ongecelo yakandu. –Va Kolosai 1:14



**4. Eye Kristu wapinduka ku vakualufa.**

**Momo tua kūlīha okuti, omo Kristu a pinduiwa kuava va fa oco ka fi vali. Okufa ka ku u viala vali.** –Va Roma 6:9

**Kuenje eye wa fila vosi okuti, ava va kasi lomuenyo ka va kasilili lawo ovo muēle, te oku vumba u wa va fila haeye wa va pinduiwila.** –II Va Korindo 5:15

**Yesu hati, Omo ame ñasi lomuenyo, oco ene vu kala-vo lomuenyo.** –Yoano 14:19b

*5. Etu tu sesamela oku kuata Espiritu lia Kristu  
vokuetu oco tu pindiwe komuenyo kopui.*

21

**Kristu volonulo viene, eye elavoko liulamba wiya.**

—Va Kolosai 1:27b

**Puāi, nda Espiritu liu wa pindula Yesu kuava va fa li  
tunga vovitima viene, oco, u wa pindula Kristu kuava  
va fa o muisavo omuenyo atimba ene a fa fa. O ci  
linga loku talavaya le Espiritu liaye lina li kasi  
vovitima viene.**

—Va Roma 8:11

**MŌLA OKUTI ESPIRITU LIA KRISTU LIKASI VOKUOVE  
U ka kuete Espiritu lia Kristu ka tiamela ku Kristu.**

—Va Roma 8:9b



Oco wa va angata,  
kuenje oku va  
kapa ovaka aye,  
**wa va sumūlūisa.**

—Marko 10:16

Yesu ondisole, eci ndi cī, omo Embimbiliya olio lia cipopia.

**Puāi Yesu oku va kovonga, wa linga hati,**

23

**Otumāla tuiye kokuange, ko ka tu tutuiyi, momo**

**usoma wa Suku wava va linga ndotu.** –Luka 18:16

**Oco hacipango ca Isieneko o kasi kilu okuti kamue  
kamosi kava vatito ka taka.** –Mateo 18:14

Ndaño wa tuwa ndati pamue okasi pi, Yesu okusole kue-  
nda wa kufila ove. Yesu oyongola ocisola cove, ove cave-  
lapo okulekisa ocisola cove ku Yesu loku pokola.

**Nda vu sole ame, pokoli kovihandeleko viange.**

–Yoano 14:15

**Ndaño omōla o limbukiwa kovilinga viaye.**

–Olosapo 20:11a

## 24 NDOMO OTĚLA OKUSANGA ONJILA YOVE KU SUKU

1. *Tava okuti vue ondingakandu* (vanja eměla 7).

Vosi va linga akandu, kuenje va lipumbisa ulamba wa Suku.

–Va Roma 3:23

2. *Enju ku Suku okupitila vu Kristu Yesu.*

Momo kuli Suku umosi, kulivo Mitakati umosi pokati ka Suku lomanu, eye omunu, Kristu Yesu.

–I Timoteo 2:5

Oco, toke koloneke ka vi pui, Yesu o těla oku popela olumue ava va kokela ku Suku poku kolela Yesu.

–Va Heveru 7:25a

Yesu hati, **Kuenje u iya kokuange siu takumula.**

–Yoano 6:37b


### **3. Litavela akandu ove.**

(Oku litavela calomboloka “oku yeva uvī  
ñō enene lokusiapo okulinga akandu.”)

**Oco, likekembeli akandu ene. Pong-  
oloki okuti akandu ene a ecelua.**

—Ovilinga 3:19a

**Ñala ka livala lohuminyo yaye ndeci  
vamue va tukula vati, Oku livala, puāi  
o pandikisa lene, momo ka yongola  
okuti umue o nyōleha, puāi o yongo-  
la okuti vosi va likekembela akandu  
avo.** —II Petulu 3:9



Nda tulikeke-  
mbela akandu etu  
loku a sapula, eye  
ukuacili, haye  
ukuesunga.

—I Yoano 1:9a

### **4. Litavela akandu ove ku Yesu.**

(Oku litavela calomboloka okulo-mbolo-  
la ale oku litavela.)

## **26 Soneha I Yoano 1:9a.**

---

---

---

---

### **5. *Yanduluka akandu ove.***


(Oku yanduluka calomboloka oku liwekapo, oku ci siapo.)

**U o limbika akandu aye ka tela oku sumūluha, puāi u o  
litavela kuenje o tindukako eye o sanga ohenda.**

—Olosapo 28:13

**Tunda kūvi; lingainga esunga.**

—Olosamo 37:27a



**Wa popelui ocali omo wa kaili lekolelo... puāi ca tunda ocali ku Suku. Ka ceyilile ovilinga sanga umue o lipanda.**

–Va Efeso 2:8, 9

## **6. Tava ku Yesu Kristu.**

**Nda o popia lomēla wove, huti, Yesu eye Ñala, kuenda o kolela lutima wove okuti Suku wo pindula kuava va fa, o popeliwa.**

–Va Roma 10:9b

**Kolela Ñala Yesu kuenje o popeliwa, ove lonjo yove yosi.**

–Ovilinga 16:31b

## 28 7. Tambula Yesu Kristu vutima kuenda vomuenyo wove.



Ove lika opondola oku yulula epito liutima wove kuenda oku laleka Yesu oku iñila. Yesu hati, **Tala, nāi kuvelo loku totola. Nda muli u o yeva ondaka yange kuenje o njuluila epito, nyiñila kokuaye, ndia laye, leye o lia lame.** –Esituluilo 3:20

**Puāi vosi vo tambula, kuenda va kolela onduko yaye, wa va iha omoko yoku linga omāla va Suku.**  
–Yoano 1:12

Nda okuti kua lalikutilila toke opo, kuenda osukila ekuatiso oku likutilila, citava oku kuama elombelo kombuelo ndelisokiyo:

**Ñala Yesu ukuacisola,**

Tu kupandula ove omo wafila komindikiso okuambata akandu ange. Njevite uvi mekonda liovina viosi vīvi ndilinganga. Ndi lomba kokuove, ndinge ohenda enju vutima wange kuenda kala vutima wange olotembo kavipui. Ame ñasi loku kolela ciло muële oco omjeyelise. Hā hutambula oku kala muële onjovoli kuenda Ñala yange muële.

**Vonduko yove ame omo nda likutilila,  
Amem.**



## LA YESU VUTIMA WOVE, OVE OKUETE OMUENYO KOPUI

**Suku wa tu iha omuenyo ko pui, kuenje omuenyo waco u  
kasi v'Omōlaye. U o kuete Omōla o kuete omuenyo.**

—I Yoano 5:11b, 12a

**U o yeva ondaka yange, kuenje o kolela u wa numa . . . wa  
iluka ale vokufa, wa iñila vomuenyo.** —Yoano 5:24b

Eci etimba liove lifa, ove okasi la Ñala (II Va Korindo 5:8). **Kris-  
tu volonulo viene, eye elavoko liulamba wiya** (Va Kolosai  
1:27b).

Nda okuti wapinga Yesu oku kuecela akandu vove, kuendavo  
ove okolela Ñala Yesu Kristu ndo njovoli, sonehā onduko yove  
kombuelo:



Tanga ovinimbu viovembi-mbiliya (ondaka ya Suku) oloneke viosi kuenda visoleka vutima wove patekela capiāla ovinimbu evi vikukuatisa ove. (Vialua vikasi vokalivulu aka katito.)

**Ovisonehua vi kola viosi ovitumasuku, kuenje vi silivila oku longisa, loku lungula, loku pindisa, loku ikisa esunga.**

–II Timoteo 3:16

# VANGULA LA YESU VOHUTILILO OTEMBO YOSI



**Pandula Yesu** omo liuwa wovina viomuenyo. Utumbangiya omo liovina eye akulingila kuenda omo lioku yovola omuenyo vove. **Likutilila ekambo liosi okuete.** Likutilila vonduko ya Yesu.

**Nda tu pinga cimue ca sungulukila ocpango caye eye o tu yeva.** –I Yoano 5:14b

**Nda vu pinga cimue ku Isia, u cihili onduko yange.** –Yoano 16:23b

**...Likutililila pokati....** –Tiago 5:16

**Likutilili ava vo fükilisa.** –Mateo 5:44b

# **ELOMBELO LIMUE YESU A LONGISA OLONDONGE VIAYE**

33

(Ondonge omunu umue okuama Yesu.)

Yesu wa longisa olondonge viaye oku likutilila vonjila ndeyi:

**A Isietu o kasi kilu. Onduko yove yi sumbiwe. Usoma wove wiye. Ocipango cove ci lindiwe posi ndeci ci lindiwa kilu. Tu ihe okulia ketu kuetaili. Tu ecele okulueya ketu ndeci tu ecaila ava va tu lueyela. Ku ka tu sanguile veyonjo, puāi tu popele kūvi. Momo usoma, wove; unene, wove; ulamba, wove; oloneke vi enda ño-o hū. Amene.**

—Mateo 6:9b-13

Elombelo eli lisesamela oku lipatekela. Vakuetavo olonjanja via-lua vasesamela oku lomba elombelo eli lolukandi.

## **34 OVIHANDELEKO EKUÏ VIA SUKU VI TU LONGISA NDOMO TU SESAMELA OKU KALA**

(Etundilo okapitulu 20)

*Ovihandeleko Vikuāla Via Tete Via Tiama Kocisola cetu La Suku*

1. Ku ka kale lolosuku viñi, te ame.
2. Ku ka lisongele ociñumañuma pamue esetahālo lieci ci kasi kilu ...; ku ka vi fendele pamue oku vi vumba.
3. Ku ka tukule onduko ya Yehova Suku yove lesanda.
4. Ivaluka eteke liesambata oku li kolisa.

*Epandu Via Sulako Vilombolola Ocisola cetu l'Omunu*

5. Sumba so la nyōho oco oloneke.
6. Ku ka ipaye.
7. Ku ka pekelise (Uvasi oku pekelisa okanuñunuñu lukuanjo yamāle.)
8. Ku ka ive.
9. Ku ka imbile ukuēle uvangi wuhembi.
10. Ku ka livele onjo yokuēle ... cosi cokuēle ku ka ci livele.

EPOKOLO KU SUKU LINENA EKUMBULULO KALOMBELO ETU  
Kuenje cosi tu pinga kokuaye tu ci tambula, momo tu  
pokola kovihandeleko viaye loku linga ovina viu sanjuisa.

## 36 OVIHANDELEKO VIVALI VIA VELAPO

### *Ocisola la Suku*

1. Yesu wo kumbulula hati, Sola Ñala Suku yove lutima wove wosi lomuenyo wove wosi lolondunge viove viosi. Eci oco ocihandeleko cinene, haico catete.

—Mateo 22:37, 38

### *Ocisola L'omunu*

2. Kuenje cavali ca lisoka laco, ceci, okuti, Sola u o lisungue love ndeci o lisole ove muēle.

—Mateo 22:39

Ovihandeleko viosi ekuī (amēla 34 kuenda 35) viañila vovihandeleko vivali via velapo.



## Okapitulu Kocisola Kavelapo

(I Va Korindo 13:1-8, 13)

**¹**Ndaño mopia alimi omanu la-a ovangelo, puāi si kuete ocisola, nda linga ocivila congula ci ñoña, pamue ongonge yi yokoya. **²**Ndaño ñuete owanji wuprofeto kuenda nda kūlīha alumbu osi lukūlīhiso wosi, ndaño ñuete ekolelo liosi okuti sondolola lalio olomunda, puāi si kuete ocisola, haimo ame sicimueko. **³**Ndaño nganjela ovikuata viange viosi si tekula lavio olosuke, ndaño ngeca etimba liange ha li yokiwa, puāi si kuete ocisola, ka ci sumūlūisa. **⁴**Ocisola ci pandakaisa; ci lingainga ohenda. Ocisola ka ci kuete onya,

38 ocisola ka ci lipandiya; <sup>5</sup>ka ci litambela; ka ci lingi akutisasōi; ka ci lisandela ovina viaco muēle; ka ci temisua; ka ci patekela onyeño; <sup>6</sup>ka ci yolela evi ka via sungulukile, ci yolaila puāi evi viesunga; <sup>7</sup>cecaila, ci vanjiliya uwa womanu; ci lavoka ño-o eci ciwa; epandi liaco ka li pui. <sup>8</sup>Ocisola lalimue eteke ci tokoka. Awanji ovaprofeto, puāi, a imuha, ndaño alimi a liweka, kueda ukūlīhiso wimuha.


<sup>13</sup>Puāi ciло pa siala ekolelo, lelavoko, locisola, katatu kavio, puāi pokati kavio, ca piāla ocisola.

## SUKU EYE OCISOLA

Suku eye ocisola, kuenje u o kala vocisola o kala vu Suku, kuenje Suku o kala vokuaye. —I Yoano 4:16b

# YESU OKU YONGUILA OKUIMBA UVANGI KU VAKUĒLE

39



(konjo, kosikola, konembele,  
kuosi)

Yesu hati, **Kuende konjo  
yene kuenda ku vakuēle.** Va  
sapuila ovina viosi Suku a  
ku lingila, kuenda ndeci a  
ku linga ohenda.

—Marko 5:19b

## **40 NDOMO OKULIHĀ OMOLA WOCILI WA SUKU**

**Kokulisola kuene pokati oko omanu vosi va limbukila  
okuti vulondonge viange.** –Yoano 13:35

**Puāi epako lie Espiritu lieli: ocisola, esanju, ombembua,  
epandi, unu, esunga, ekolelo, umbombe, esuluviko.**

–Va Galatia 5:22, 23a

### **OMOLA WOCILI WA SUKU ECELA VAKUĀVO**

**Momo nda weceli omanu ahuku avo oco I siene o kasi  
kilu ecelavo ahuku ene.** –Mateo 6:14

### **OVINA SUKU A NYĀLE**

**Ovaso epela,—elimi liuhembi,—ovaka a pesela osonde  
yu we lipua,—utima u sokolola ovipango vīvi,—olomāi vi  
yolokela kevīho,—ombangi yesanda yi popia uhembi,—  
kuenda u o sanomōla ovama pokati kava va situe.**

–Olosapo 6:17-19

...Ukahonga [uvasi womanu kavakuelele], evīho, ohumba, oku fendela oviteka, owanga, asuvu, ...olonyeño, ocipululu, ...oku livela, ovoholua, ayele, lovina via lisoka lavio: ...ava va lingainga ovina evi ka va piñala usoma wa Suku.

—Va Galatia 5:19-21

...[Ndaño] Lalume vakuakulala lalume, lovimunu, la vakuacipululu.


—I Va Korindo 6:9, 10a

## TAVA YESU OKU KUYUKISA L'ESPIRITU KUENDA OKU KUYELISUA LIE

Ene puāi, vamue pokati kene, osimbu, wa kaili lovituwa viaco. Puāi, wa sukuiwi, wa lingiwi olosandu kuenje wa tendiwi nda vakuesunga vonduko ya Ñala Yesu Kristu lo ve Espiritu Iia Suku yetu.

—I Va Korindo 6:11

# ONJEMBO YONDALU OCITUMALO MUELE OCILI



(Tanga Luka 16:19-26.)

Mola okuti ove okasi oku kolela Yesu Kristu. Eye okakapa onduko yove velivulo liaye liomuenyo.

**Kuenje umue nda  
onduko yaye ka ya  
sangiwile okuti ya sone-  
hiwa velivulu liomu-  
enyo, vo wimba vociva  
condalu.** –Esitulilo 20:15

**Suku wa tu iha omuenyo ko pui, kuenje omuenyo  
waco u kasi v'Omōlaye.**                                    –I Yoano 5:11b

**Momo onima yekandu okufa, puāi ocali ca eciwa la  
Suku oco omuenyo ko pui vu Kristu Yesu Ñala yetu.**  
–Va Roma 6:23

**U o kolela Mōla o kuete omuenyo ko pui, puāi u ka  
kolela Mōla, eye ka moli omuenyo, puāi onyeño ya  
Suku yi kala ño-o laye.**                                    –Yoano 3:36

**Yesu wa popia laye hati, Ame ndinjila, haime ndicili,  
haime ndimuenyo. Lomue iya ku Isia, te lame.**  
–Yoano 14:6



Vocinjonde ca Yoano Esituluilo 21 eye wamola ilu liokaliye kuenda ongongo yokaliye.

**Eye o puenya asuelela osi kovaso avo. Okufa ka ku kalako vali, ndaño oku lila loku liyula lupongo laviovo ka vi kalako vali. Momo ovina viatete via pita. Oco u wa tumala kocalo wa popia hati, Tala, ovina viosi ndi vi lingisa viokaliye.**

—Esituluilo 21:4, 5a

Yoano wamolavo Imbo Likola, o Yerusalāi yokaliye, oku loka okutunda ku Suku kilu. **Imbo lia tungiwa lulu u yela, wa lisoka lovitulu yi yela. Oviseveto viocimbaka cimbo via yanquiwa lovawe osi a tīla.**

—Esituluilo 21:18b, 19a

## **YESU WANDA OKU ANGILIYA ONJO YA VOSI VANA VAKOLELA**

45

Ovitima viene ka vi ka tokotelue, koleli Suku, ñolelivo ame. Vimbo lia Tate muli olonjo via lua. Nda hacoko, nda ndo ci sapuilili, momo ngenda oku vu angiliyila ocitumalo. Kuenje eci ngenda oku vu angiliyila ocitumalo, njiya vali, ndu wupilili okuti oku ñasi, haiko vu kalavo. –Yoano 14:1-3

### **LOMBOLOLA ONDAKA YIWA KU VOSI VAKUAVO**

Yesu hati, Kuendi kuosi kilu lieve. Kundi ondaka yiwa koviluvo viosi. –Marko 16:15b

**Ukualondunge o kuata kuata ovitima viomanu.**

–Olosapo 11:30b

## 46 OLOHUMINYO VIA SUKU KOMALA VAYE

Ame Ialimue eteke hu yanduluka ndaño oku ku sia.

–Va Heveru 13:5b

Momo o ku kundika kovangelo vaye, ha va ku lavi kolonjila viove viosi.

–Olosamo 91:11

Kuenje lomue o tēla oku vi kotosola peka lia Isia.

–Yoano 10:29b

Kuenje ame ñasi lene kumue oloneke viosi toke kesulilo lioluali.

–Mateo 28:20b

Ku ka yokokele ohali o laika oku tala....  
Pandikisa ño toke kokufa, kuenje hu iha ekolowa liomuenyo.

–Esituluilo 2:10

Mbilikiye kuenje hu kumbulula.

–Yeremiya 33:3a

Vosi va kapinduiwa ku vakualufa.

**Momo ola yiya eci vosi va kasi vayambo va yeva ondaka  
yaye, yu va tundamo. Ava va linga ciwa, va tundila epi-  
nduko liomuenyo, ava va linga cīvi, va tundila epinduko  
liekanga.**

—Yoano 5:28b, 29



*Ava vafila vu Kristu va kapinduiwa tete.  
Noke etu tu kasi lomuenyo, haetu tua  
siala konyima, tu ambatiwa kumuamue  
lavo valende oku ñualehela la Ñala vilu.  
Oco tu kala hū la Ñala.*

—I Va Tesalonike 4:17

**Lavululi kuenda likutilili, momo ka wa  
kūlīhili eteke liaco.**

—Marko 13:33b



**Ota, iya. Endela valende, kuenje ovaso osi o mola.**

–Esituluilo 1:7a

Lunguka la vakristu vuhembi ale ovaprofeto vuhembi.

**Nda umue o popia lene hati, Vanji, Kristu yu pamue yo, ko ka ci koleli. Nda va popia lene vati, Tali, o kasi vekalasoko, ko ka tundi; pamue vati, Tali, o kasi volohondo viovokati, ko ka ci koleli.**

–Mateo 24:23b, 26b

### YESU OKEYA LONJANGA VALENDE (KILU) OKILU

Momo ndeci ociliakulo ci tunda kutundilo kuenje cenda toke kutakelo, haico kuiya okutukuluka kua Mõlomanu. Kuenje apata osi okilu lieve a lila. Va mola Mõlomanu yu iyilila valende okilu lunene lulamba wa lua.

–Mateo 24:27, 30b

# **OSAMO YUNGOMBO**

**(Olosamo 23)**

**<sup>1</sup>Yehova eye ungombo wange, ame si suki.** <sup>2</sup>O meke-laisa kovisenge vitalala. O songuaila kovava a tulumuha.  
**<sup>3</sup>O kavuluisa utima wange.** O ngendaisa volonjila viesunga  
mekonda lionduko yaye.

**<sup>4</sup>Ocili, ndaño mita vomaka yulembo wokufa, lacimue  
cīvi ndi ci yokokela, momo ove o kasi lame. Ohunya  
yove lombueti yove vi ndemba ndemba.** <sup>5</sup>O njalela  
omesa kovaso ovanyali vange. O mbuaveka kutue ulela.  
Okopo yange yi supoka.

**<sup>6</sup>Esanju lika li ñuama, lohenda, oloneke viosi  
viomuenyo wange, kuenje numala vonjo ya Yehova.  
Oloneke ka vi pui.**

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

**World Missionary Press, PO Box 120, New Paris, IN 46553-0120 USA**

Ocali—Haliokulandisako

[www.wmpress.org](http://www.wmpress.org)

7-18

Read booklets online or by App  
[www.wmp-readonline.org](http://www.wmp-readonline.org)

2301 Umbundu WTG

